



ICRCda 00 SHAQAYNAYSA



ANNAGU CIDDA AAN NAHAY:

Muddo 150-sano ka badan ayaa Guddiga Caalamiga ah ee Laanqayrta Cas (ICRC) wuxuu kaalmaynaayey dadka dunida ku dhaqan ee colaadda hubaysan iyo gacan-ka-hadalka kaleba ay saameeyeen. Annaga oo ah urur aadminnimo oo madax bannaan, waxaan samaynaa wax kasta oo aan kari karno si aan u dhawrno dadka sharaftooda, isla markaasna dhibaataada haysata aan u yarayno, annaga oo inta badan la shaqaynayna hey'adaha iskaashiga sida Laanqayrta Cas iyo Bisha Cas.

Waxaannu isku hawlanaa ka hortagga darxumada, annaga oo u marayna baahinta iyo xoojinta xeerka caalamiga ah ee aadminnimada (xeerka colaadda hubaysan), iyo u halgaminaynaa mabaadi'da caalamiga ah ee aadminnimada. Annaga oo aqoon ballaaran u leenahay xeerarkaan isku-xiranta ah, waxaan nahay xoogga dhaqaajinaya Heshiisyadii Jineefa ee 1949kii.



WAXA AAN QABANNO

- Waxaan ku dedaalnaa inaan hubinno rayadka aan colaadaha qaybta ka ahayn in aan ka ilaalinno dhibaato soo gaadha
- Waxaan bixinnaa cuntada degdegga loogu baahan yahay, biyaha nadiifka ah, fayo-dhawrka iyo hooyga
- Waxaan booqanna maxaabbiista dagaalka iyo kuwa nabadgelyada awgeed loo hayo, si aan u hubinno inay haystaan xaalado nololeed oo la aqabali karo, isla markaasna si sharaf leh loola dhaqmo
- Waxaan mar kale xiriirinnaa xubnaha qoysaska colaadda hubaysan ku kala firdhay, ama haajaray
- Waxaan bixinnaa ama fududaynaa sidii dadka u baahani ay ku heli lahaayeen adeegyada asaasiga ah ee daryeelka caafimaadka
- Waxaan bulshooyinka ka kaalmaynaa sidii ay u soo kaban lahaayeen, waxaannuna siinnaa waxyaabihii ay noloshooda dib ugu dhisi lahaayeen
- Waxaan dhinacyada ay colaaddu ka dhexayso dhammaantood ku war-gelinnaa waajibaadka ka saaran xeerka caalamiga ah ee aadminnimada
- Waxaan indhaha ku haynaa sida loogu dhaqmo xeerka caalamiga ah ee aadminnimo, isla markaasna horumarintiisa ayaan gacan ka geysanna



P. Yazidi/ICRC

- Waxaan yaraynaa halista ka imaan karta miinooyinka dhulka lagu aasay ee weli ku jirta iyo saanadda aan qarxin
- Waxaan caawinnaa Ururrada Qarameed ee Laanqayrta Cas iyo Bisha Cas, si colaadda hubaysan iyo gacan-ka-hadalka kaleba ay ugu diyaar-garobaan, ugana jawaabaanan.

MEELAHA AAN KA SHAQAYNO

Waxay shaqaalaheena ka hawl-galaan 180 dal. Waxaa suuragal ah inay joogaan goobta shaqada, iyaga oo gargaar degdeg ah u fidinaya dadka u baahan, inay ka shaqaynayaan gobollada meelo ka mid ah, ayna ka hayaan hawlaha isku-dubbe-ridka iyo qaybinta gargaarka ama inay ku sugan yihiin magaaloyinka waaweyn, halkaas oo ay ka fulinayaan hawlo aadminnimo oo diblomaasiyeed.

Inta badan xubnaha shaqaalaheena oo 16,000 gaarayaa waxay joogaan goobta shaqada. Waxaa kaloo shaqaale noo joogaa xarunteena dhexe magaalada Jineefa ee dalka Iswiiska, taas oo na siisa taageero wax-ku-ool ah, hawgaladeena kormeer ku samaysa.



ICRC

SIDA AAN U SHAQAYNO

Afar mabda' oo waaweyn ayaannu ku fulinnaa xilkeena aadminnimo: aadminnimo, eex la'aan, madaxbannaani iyo dhexdhexaadnimo. Sababta aan dhibaataada dadka uga miciinna (relieve) waa baahida haysa oo keliya, sidaas daraadheed ma danayno isirkooda, jinsigooda, siyaasadda amaba diintooda. Maadaama aan nahay hay'ad madaxbanaan iyo dhexdheaad ah, waxaan tagi karnaa meelaha hay'ado badan tagi karin - nafta aadanaha ayaan ku badbaadinnaa aagagga dagaalka aan la gaari karin una halista bada.







ICRC



1863kii ayaa ICRCda la asaasay, waana xubnaha abaabulay Dhaqdhaqaaqa Caalamiga ah ee Laanqayrta Cas iyo Bisha Cas. Waxaan si dhow ula hawl-galnaa ururrada ay wada-shaqayntu naga dhexayso ee Dhaqdhaqaaqa nagula jira sida Xiriirka Caalamiga ee Ururrada Laanqayrta Cas iyo Bisha Cas iyo, sidoo kale, Ururrada Qarameed ee Laanqayrta cas iyo Bisha Cas kuwaas oo 190 dal oo dunida ku kala baahsan oo hawlo aadmiinnimo ka fuliya.

Booqo bartayada internetka: www.icrc.org.

La xiriir ergada ICRCda ee kuugu dhow ama Laanqayrta Cas ama Bisha Cas laamahooda maxalliga ah ee kuu dhow.

-  [facebook.com/icrc](https://www.facebook.com/icrc)
-  twitter.com/icrc_Africa
-  www.instagram.com/icrc_afrique
-  <https://blogs.icrc.org/somalia/>

Ergada ICRC Soomaalyia
Wadada Denis Pritt
S.B.73226-00200
Nayroobi, Kenya
© ICRC, Setembar 2019

ICRC